

《續修四庫全書》編纂委員會編

續修四庫全書

上海古籍出版社

山左金石志卷第十七

縣志纂修院都察院御史劉國華等處地產產籍總冊所載無不悉備
同撰
內學士譚寶璋南豐縣志纂修院都察院御史劉國華等處地產產籍總冊所載無不悉備

宋石

龍洞碑鐸題字三種
年月書體詳後崖高二尺廣一尺四寸五分在歷城縣龍洞東崖

一題元豐戊午仲冬廿六日度支郎中知齊州韓鑄奉朝命以冬早躬詣龍洞祈雪大理評事知歷城縣趙齊賢前州州團練推官李毅同拜祠下凡六行左讀正書徑二寸

一題元豐二年二月八日知齊州事韓鑄再奉朝旨以春早禱雨靈祠前州州團練推官李毅歷城尉李景隆陪謁

鐸題男文炳文尉文通文仲侍行凡八行正書徑二寸右角有劉守新刻四字左角有院主智全上石六字亦正書徑八分

一題誠應岳三字篆書徑一尺四寸左右刊款云尚書兵部郎中知軍州事韓鑄命元豐二年夏四月何拱辰奉

命書亦篆書徑一寸五分末行小字正書院主智全上石

劉守新刻案韓鑄以元豐元年十一月奉朝命祈雪二年二月再奉命禱雨皆有應於是題字此崖以昭誠應仍奏

請朝廷賜額順應事詳壽聖院勅牒碑

黑龍潭殘碑

元豐元年十二月刻正書石方廣一尺九寸在范縣黑龍潭妙應侯廟

右殘碑前有元豐元年主簿等銜名三行字徑一寸三分姓名皆殘闕後刻元符二年濮州守口奎續題十一行字徑七分文亦斷裂不全

高里山廟長腳竿記

元豐三年三月立正書篆額碑高四尺五寸廣二尺在泰安縣高里山相公廟

右碑額題重建長腳竿記三行字徑二寸五分碑分二列上列凡十八行下列凡二十八行字徑四分碑敘高里山祀聖帝輔相之神及舟賈張平等糾資建長腳幡竿以祈福佑後皆施主姓氏

王臨軍墓郭恕先神在二字石刻

元豐三年四月刻神書石高五尺四寸廣三尺二寸在濟南府城舜井前

右刻神在二字字徑二尺七寸筆畫轉折處皆間以雙鉤黑線旁有元豐三年四月望日尚書兵部郎中直昭文館知軍州事上柱國王臨題字三行行書徑一寸

王臨讀書堂詩刻
元豐三年五月刻正書碑高五尺八寸廣三尺在歷城縣

王舍人莊路旁
題故龍岡侍郎張公舊隱讀書堂 魏國王臨

熙寧逸老舊門牆少日窮經歷水陽負笈便為稽古地躬耕兼是養親堂已將賢業歸青史尚有陳編祕澤囊嗣子數難承世

學至今人愛鄭公鄉
元豐庚申五月廿日 興德平易堂大觀書

右刻八行字徑三寸五分縣志所載尚有篆額今失拓

王臨書靈岩道境石刻

元豐三年刻飛白書石高四尺六寸廣三尺六寸在長清縣靈巖寺

右靈巖道境四字二行字徑一尺七寸左題元豐庚申尚書兵部郎中直昭文館知軍州事上柱國王臨璽筆正書一行字徑一寸案張懷瓘十體書斷謂蔡邕待詔鴻都門見璽帚成字歸作飛白是璽帚爲飛白筆之始也唐宋諸家能飛白書者皆不言用何筆此云璽筆可補見聞未及宋史列傳王廣淵字才叔大名成安人弟臨字大觀起進士元豐初自皇城使擢爲兵部郎中直昭文館後嘗知齊州而無一語及其能書亦史文之畧也

李公顏遊靈岩題記

元豐三年十月刻正書石高一尺五寸廣二尺在長清縣靈岩寺

右題治平中家君判官還口永嘉道過錢唐僧惠從來告曰廬舍金像成矣欲歸齊之靈岩而未有託也願附舟而北家君從之後十五年余口其寺徘徊瞻仰因識其事元豐庚申孟冬李公顏才甫題凡七行後有明人方豪題字九行豪性喜遊覽所到必有題字浙中西湖諸山摩崖殆徧率皆拙劣此段行書圓勁頗不類其平日所書因附識之

普安寺幼公經幢記

元豐四年四月立正書篆額碑高四尺廣二尺在淄川縣

普安寺

右碑額題葬幼公經幢記二行字徑二寸五分文二十四行字五分案碑文云文幼師字鳳梧淄川甘泉人天禧四年爲僧披髮嘉祐四年丞相賈魏公鎮忠武明年奏賜紫方袍通經律精百法論究一行法占宅營兆其通內外學大致如此賈魏公卽賈昌朝嘉祐三年以鎮安軍節度使位進封魏國公宋史地理志許州屬京西路爲忠武軍節度使幼公爲僧徧遊四京故魏公在許州與之相識碑與史較事多合也

范純仁龍洞題名

元豐四年四月刻正書崖高五尺廣二尺四寸在歷城縣

龍洞獨秀峯

右題元豐辛酉四月二十日朝散大夫直集賢院知齊州范純仁朝請大夫通判州事閭邱孝修同謁順應侯祠朝奉郎張起權齊淄二州都巡檢康嗣承事郎知歷城縣趙齊賢觀察支使孫述前潁州團練推官李堅歷城縣尉李景隆從至凡七行字徑二寸五分范純仁宋史有傳齊宗朝嘗知齊州府志宦蹟傳以爲哲宗時者由未細檢耳

閭邱孝修等龍洞題名

元豐五年三月刻正書崖高二尺廣七尺在歷城縣龍洞獨秀峯

右題朝請大夫通判齊州權發遣軍州事閭邱孝修宣德郎知歷城縣事單鉞觀察支使權通判軍州事孫述節度

推官田備新定陶縣丞范處厚司法參軍陶聖臣同詣順
應侯廟祈雨因遊龍洞至此男前濱州錄事參軍順新晉
州司法頌堉進士高元溥孫男郊社齋郎琳次孫璋璋環
琥侍行元豐五年三月廿口日元溥書凡二十一行字徑
三寸

加封孟子勅牒碑

元豐六年十月立正書碑高二尺廣五尺在鄒縣孟廟
右碑文及年月銜名凡三十五行字徑一寸末有刊字姓
名一行縣志載宋景祐四年龍圖閣學士孔道輔知兗州
訪孟子墓得於鄒縣東四基山因於墓旁建廟薦孟子四
十五代孫孟寧授鄒縣主簿孟子奉祀自此始宋史神宗
本紀元豐六年十月戊子封孟軻爲鄒國公卽會孝寬所
奏請也結銜云中大夫守右丞李者清臣也中大夫守左
丞王者安禮也太中大夫守右僕射者蔡確也銀青光祿
大夫守左僕射者王珪也並據本紀知之

聖壽寺羅漢座題字

元豐六年十月刻正書在嘉祥縣七日山聖壽寺
右題字二刻一高三寸五分廣一尺五寸凡十九行一高
四寸五分廣一尺四寸五分凡十八行皆紀助修男女姓
名

名義墩石橋記

元豐七年正月立在蒙陰縣公家城名義墩大道之東
右碑朱朗齋云額刻佛象往來人皆見之未及尺寸字體
想亦從他處借錄也

報恩寺智清靈骨記幢

元豐七年四月立石高四尺二寸凡八面圍三尺二寸在
青州府城外文昌祠
右幢記文六行經文二十行字徑五分段亦亭云此幢書
法端嚴文亦簡淨陀羅尼經題曰加句與今藏本不同然
他幢多注逗畱此獨無之記云師姐師姑今南方稱此邱
尼多浴此

靈派侯廟重修木帳記

元豐八年六月刻正書篆額碑高三尺六寸五分廣一尺
七寸在泰安縣靈派侯廟
右碑額題重修靈派侯木帳記四行字徑二寸文十八行
字徑六分

母孝子考父墓碣銘

元豐八年八月刻正書額錄書石高五尺一寸廣三尺在
安邱縣西三里

右刻額題宋母孝子考父墓碣銘三行字徑三寸五分文
及標題年月凡二十二行字徑一寸

蘇子瞻海市詩刻

元豐八年十月作正書石高二尺八寸廣六尺在蓬萊縣

蓬萊閣

海市詩并引 眉山

余聞登州海市舊矣父老云常見於春夏今歲晚不復出也余
到官五日而去以不見爲恨禱於海神廣德王之祠明日見焉
乃作是詩

東方雲海空復空羣仙出沒空明中蕩搖浮世生萬象豈有具
闕藏珠宮心知所見皆幻影敢以耳目煩神工歲寒水冷天地
閉爲我起鰲鞭魚龍重樓翠阜出霜曉異事驚倒百歲翁人間
所得容力取世外無物誰爲雄率然有請不我拒信我人厄非
天窮潮陽太守南遷歸喜見石廩堆祝融自言正直動山鬼不
知造物哀龍鍾信眉一笑豈易得神之報汝亦已豐斜陽萬里
孤鳥沒但見碧海磨青銅新詩綺語亦安用相與變滅隨東風
元豐八年十月晦書呈全叔承議

右刻凡二十五行字徑二寸末行有翁覃溪閣學題八分
小字云此皇統間重勒原迹凡二行此詩載東坡詩集惟
序中有數字互異處如常見集作常出出也集作見矣祠
集作廟是詩集作此詩是也案年譜注引紀年錄云元豐

八年哲宗即位復朝奉郎八月十七日得旨除知登州十

月十五日登州二十日召爲禮部員外郎蓋五日而別

登州此碑以十月晦書當是奉詔還朝在途之筆也

蘇子瞻天寧山殘刻

正書石高五尺二寸廣一尺四寸在掖縣東南十五里天
寧山

右刻云封劉君季孫自商郵來過滁滁守河南王君詔請
以滁人之意求書於軾軾於先生爲門下士不可以辭十
一月乙巳凡三行字徑三寸乃歐公醉翁亭記不全數語
也近時新出土故縣志未載碑無紀年可系以坡公于元
豐八年嘗知登州姑坊於元豐之末

漢武帝廟碑

無年月并額俱正書碑高六尺二寸廣二尺在新泰縣新
甫山西麓

右碑額題漢武皇帝廟碑二行字徑二寸漢武碑三字尚
可辨餘存影跡碑文惟存下截每行二三字幸中有元豐
字可定爲宋刻也

米芾孔子手植樹贊

無年月行書碑高四尺五寸廣一尺九寸在曲阜縣孔廟
同文門下

孔聖手植樹贊 宋太常博士米芾

燁東皇養白日御元氣昭道一動化機此樹植矯龍性挺雄質
二千年敵金石乳治亂如一曰百代下口圭璧

右刻舊在手植樹樹旁歲月既久再罹火災殘缺更甚乾

隆辛未孔中翰

得襄陽墨蹟於華亭張文敏家結體
較小而風神骨格無異因重摹一石移舊刻於同文門下

妙應侯勅牒殘碑

無年月并額俱正書石高一尺八寸廣二尺一寸在范縣
黑龍潭妙應侯廟

右殘碑額題妙應侯廟碑五字橫列字徑二寸五分文二
十三行祇存上截下皆殘闕前段是熙寧降封勅牒後段

記文末行元字完好豐字僅存上數筆因增元豐末
蘇子瞻詩刻

無年月草書石高四尺廣二尺一寸五分在長清縣靈岩
寺石壁

右詩刻云醉中走上黃茅岡滿岡亂石如羣羊岡頭醉倒

石作床仰觀白雲茫茫歌聲落谷秋風長路人舉首東南望拍手大笑使君狂蘇軾凡五行案坡公此詩乃元豐元年守徐州時登雲龍山之作並非題靈岩寺也滿南府志誤入於寺觀條下縣志亦相沿採入今玩其筆意全不類蘇蹟大抵後人所為寺僧不知遽以刻石者姑附存之
重修孟子廟牒碑

元祐元年三月立正書碑高二尺三寸廣四尺二寸在鄒縣孟廟

右牒文四十五行字徑六分碑載朝奉郎權發遣兗州軍州事兼提舉濟單州兵馬巡檢公事李挺奏請重修孟廟牒行於元豐七年而碑立於元祐元年殆廟工既畢而刊石也縣志於此碑及元豐脩廟事皆畧而未載

高永亨等興化寺題名
元祐元年三月刻行書石高四尺八寸廣二尺六寸在曹縣左山興化寺

右題皇城使曹州鈐轄高永亨簽判張孝友濟陰縣宰徐興宗尉曹溉兗州奉符令宣德郎林會壽春令州教授周訥送餞劉宜甫誼於興化禪院留題元祐丙申上巳後二日楊隨刊凡六行左讀字徑二寸

劉袞岱頂題名

元祐二年正月刻正書崖高二尺二寸廣三尺在泰安縣岱頂碧霞祠西

右題兗海守劉袞奉詔祈雪次謁玉女祠率巡山劉孟邑令林會登二絕頂臨四觀徧覽勝概元祐丁卯孟春三日

凡八行字徑三寸案宋史哲宗本紀元祐元年十二月戊申詔以冬溫無雪決繫因是以二年正月三日兗守有奉詔祈雪之舉林會於熙寧八年官掌獄掾見馬熙題名似即其人

羅公神道碑

元祐三年立正書碑高五尺七寸廣二尺四寸在淄川縣南十里道旁

宋故贈金紫光祿大夫羅公神道碑 鄉貢進士王口中議承議郎新差知大名府元城縣事武騎尉蘇口書丹朝奉郎通判淄州軍州兼管內勸農事護軍賜緋魚袋邵奎篆額

元豐八年春 天子新即位乃大賚郡臣雖已告口才退

休里閭者咸增秩口既又推寵其親無問存亡於是朝議大夫致仕羅公得遷為中散大夫中散之 皇考工部尚書得加贈為金紫光祿大夫中散公既已 榮上之賜且思有以發揚光祿之清德適屬於里人王積中曰 吾父雖生不見知於世俗而歿乃見褒稱於 天子雖昔無一命而今乃官列二品為善之報亦可亡憾矣唯是墓隧之間 令得有碑以昭示後世求銘於人無如子宜謹狀其行實之一二以告子其為 吾父銘之積中辱知於中散公甚厚乃不能辭唯 光祿公諱仲宜字榮臣密州諸城人曾祖潛祖浩父巨源皆不仕 公少朴重喜讀書不以書資進取而獨取聖賢要語以履之敦慈和惠孝於親睦於宗族忠信於其朋友鄉人皆愛敬之為善人君子父死既葬廬於墓側哭晝夜不止親友不堪其哀數勸還舍不從

今閭里懇請之不得已三月口歸毀瘠以終其喪嘗有口者告 公曰 公他日必貴何不求仕 公曰吾於世物一無所嗜惟嗜為善況聲利本亡意安得貴吾有二子當教之使就科舉其成與否有不在己者吾不責吾所以責之者第使不為不善耳故嘗擇師儒以教其子其後二子皆以經術獲第長曰希古即中散公也屢為大理審刑官明達口恕多有陰力在人出貳雄藩典名城休聲美實洋溢中外所至有遺愛人皆頌歌之次曰希道調思州清陽主簿未赴而卒 公於景祐元年十一月六日以疾終於家享年四十有六夫人孫氏先 公而歿今贈高密郡太夫人孫三人長曰民先光州軍事判官次曰孝直早亡次曰孝先應天府寧陵尉任滿口亡孫女四人長適建州閩口縣令卜早次適進士張祐父次適龍州江油縣令宋良弼

次適鄉貢進士李堯臣曾孫二人長曰居正次曰安祖皆太廟齋郎而居正早亡公始宅於諸城中散公後家於淄乃於熙寧元年八月庚申舉 公與夫人之喪并三世族屬之喪皆葬於淄川之孝感鄉柏多里 公始亡時中散公方為海州朐山尉享子之祿未久而又年未及口鄉人咸呼天曰報德何約也至皇祐三年中散公登朝始贈 公為大理評事鄉人已為榮矣中散公後益貴顯 公之封典日益加今則金紫重號上亞三公寵厚恩隆耀榮幽顯又得紀德豐碑以暴白為善有子之慶然後知天之報 公者大而無窮也嗚呼今人之冒恥競進刑禍不知止貪得苟取哀賁殖產務為不可撼動計者其實皆為子孫慮尔然或顛踣以死不得厭所欲幸得所欲而身死名滅子孫不能有至轉沒為溝中瘠者皆是也 光祿公獨能不

樂聲利而唯以善遺其子其子卒為當世名卿以大其門未嘗為不朽計卒能垂榮不朽其賢於人也遠矣烏得不銘元祐三年口碑具乃刻詞而銘焉銘曰

邈哉羅國 顯帝之裔 厥後子孫 因國為民 至唐有聞 口口口口 五代紹威 乘時振發 或齊或魏 播遷東北 公出諸城 潛光晦德 以善遺子 不詰其成 卒能有成 為世名卿 邦有寵光 章金綬紫 天子贈公 榮動閭里 始疑其約 今享其豐 揭銘以碑 口耀無窮

刊石徐口口

右碑二十三行字體一寸文體卓犖宋碑中之出色者因全載之篆額失拓

蘇子瞻題布袋真儀石刻

元祐三年七月刻正書碑高三尺七寸廣二尺在濰縣石佛寺

右題熙寧間畫公崔白示余布袋真儀其筆清而尤古妙乃過吳矣元祐三年七月一日眉山蘇軾記凡五行字徑一寸書於畫象之上

陳守道等岱頂玉女溝題名

元祐四年四月刻正書石高一尺廣一尺一寸五分在泰安縣岱頂玉女溝

右題陳守道陳中裕劉子肅凡三行字徑三寸末行下分注元祐四年四月十二日遊字徑一寸

鄆州州學新田記

元祐五年九月立并額俱八分書陰行書碑高五尺六寸

鄆州學新田之記

鄆州學新田記

有之而小陋貧口儒雅缺然王文正公以故相爲吾州口爲士
 不知道義果不足用道義顧安出則大作學買田聚書所口就
 士爲多而學遂以盛吾州之人歌祠之至今其後亦數有名守
 臣頗寵厲士學然學舍之不治則久矣能慨然悲其廢復廣口
 新之者自宣淵井公季能之爲轉運使於東部也井公既作新
 學閭碩窳麗居者悅喜其明年改元元口詔以龍圖口學士光
 祿大夫吳郡滕公爲鄆州公熙寧初嘗以翰林侍讀學士口爲
 吾州矣能教民使口西漢爲文章拔孝秀之民一人曰王大臨

爲學者迎師使授經增弟子之數實對其人心去且十年

上知東人之思公也復以爲鄆公下車卽入學延見耆舊諸生問政所設施諸耆老儒生爭言新學成願苦在貧有田磽瘠食不能百生游學之士或自罷去公聞太息曰教學養徒而無食可乎則厚爲廩餼諸生問其所無而與之歲時齎金錢衣物載歌酒從之勞饗爲禮相與周旋士更感勸貧無歸者得卒學欣欣紆樂其翹然秀出者使學官以其業來書其姓名府中將薦寵之故一時英卓悉出俗化粲然興於學先是汶水之陽東山之下有美田畝一金宜桑柘麻麥官與大豪而薄其賦口根深牢劓小民歲歲訟不解公曰吾學適貧不若盡以與之卽爲奏請得田二千五百畝有奇與民耕口歲輸錢百萬是爲新田諸生言凡新田之入實三倍於其舊亦盛矣又舊田滯久遠藉書

山左金石志 卷一七

散亡昧不可口公使明直吏行視盡得之田益開治豐好出粟賦錢皆厚以饒遷管承乏學官畧計一歲大概新田口入已足供之而舊田正可爲齋祠釋菜鄉射飲酒投壺絃歌間燕獻酬之費耳始公請田章五卻而士不知其後詔可諸生德公而不謝知公非以爲名也公以文章忠孝爲天下第一兩爲吾州學是以口興既去又自大書學榜以榮邦人士至學門趨而入如望見公無敢不敬者是歲東郡大飢公活流人口八萬口急農事務德厚屏盜賊輕刑辟哀貧窮褒詔亟下其大功傑美又數十皆可頌歌然還方記新田得畧而不書公諱元發字達道五年九月十五日門人須句尹遷謹記趙郡李仇書

呂公明父謁先聖記

謁先聖文

齊魯好學出於□性汝陽介乎其間其俗尚氣重□□厚有
古風宜若易化而□□□□□□□□□□□□□□□□
爲守者務欲以威力□之歲殺數百人而抵冒如故豈□人之
不可化□殆□術有未至□□□□□□□□□□□□□□□□
□□究宣主澤案發姦吏□績之著聳聞於時使還復命于

先帝嘉歎曰近○奉使未有如卿者擢升朝序恩禮優渥方是時威聲德望實在民間○○○○○○事始至境上○○屬邑奔走駭汗承奉○教惟恐不及粗治強○群姦怙服盜發諸郡命捕立得豫謀先慮前知○○○○月會鄴帥○因攝府政詎事一日決牒訴之淹○者數百條繫獄蔓延疑不敢斷者

談笑之間口處如流吏承命不暇姦思口口口人論而遺之雖
大縱口口口度察其敗羣亂口者杖而號於市撫柔其恤孤
寡條約嚴明品式修具越五日民相戒以勿口口口勤吾父也
踰十日口口口口曹以獄空聞府口事相與燕坐終日胥吏
拱手橐筆口未口歸休于家 公每行山塗父口口口道前
後以手加額歎口口口溢閭巷 公以口化之本莫先學校乃
以九月二十五日率官屬口

文宣王廟既畢口禮事揖教官升堂講說攸諸生于坐以勸誘
之口具豆觴傲古鄉飲口口口口益知所趣而民益知口口
口口 公攝事凡八口餘日以六邑之廣數十萬戶之衆而庭
無爭口獄口口險險暴口口口口口悻悻之俗成始三院
口口將賞獄吏俾閱故牘口此數十年無例可據嗚呼何其盛

山左書卷十七

五

也昔公孫宏爲口帝言莽年而口口口口之故太公口齊
五口口口以爲速今 公於口旬倉猝之間變風易俗其應
如響課功比口口人不及雖道德口口口口口口口口不口口
度其口口口口崇禮義緩刑罰之口也 公問學文章妙絕
當世始口口年受知

先帝勸講帷幄崇雅黜浮一變士習此緒紳所共知者推其所
學發於政口口口口口口口口其所蘊將何口口口口
口口書其實以從諸生之請將告於太史氏云紹聖四年十二
月二十三日雄州口口口口口口口口縣事充京東路口
口司管勾帳司王公彥記進士方翰書 口州口司下閣程就
下閣

南安軍 下閣

宣義郎新差知湖州安吉縣權監鄞州城西賣下閣
通直郎簽書天平軍節度判官下閣
奉議郎充京東路轉運司下閣

右碑文二十行字徑一寸案宋史本傳滕元發浙之東陽
人也初名甫字元發以避諱改字爲名而字達道哲宗登
位除龍圖閣直學士復知鄞州學生食不給民有爭公田
二十年不決者元發曰學無食而以良田飽頑民可乎乃
請以爲學田遂絕其訟蓋卽此碑所記之事也錢辛楣少
詹云尹遷撰文簡質有法度而李沆分書方整古雅深得
漢人筆法宋世言分隸者未能或之先也碑陰刻紹聖四
年呂公謁先聖記凡二十四行字徑六分文中記呂公善
政甚詳可補志乘之遺

山左書卷十七

六

顏魯公新廟記

元祐七年四月立正書篆額陰行書碑高六尺五寸廣三
尺一寸在費縣顏魯公祠內

唐魯郡顏文忠公新廟記 額五行字徑五寸

唐魯郡顏文忠公新廟記

左承議郎尚書職方員外郎雲騎尉賜緋魚袋曹輔撰
明州定海縣主簿祕書省校對黃本書籍泰觀書

左宣德郎知開封府雍丘縣同簽書兵馬司公事鄧綬篆額

唐魯郡顏文忠公有廟在琅邪之費距縣治東北五十里曰諸
滿村室宇卑陋歲月將圯祀典弗著神不顧享元祐六年洪農
楊君元永爲邑之二年也建言于州曰案祭法能禦大災能捍
大患則祀之以勞定國以死勤事則祀之方魯公守平原時

山逆狀未萌公能蹟其端及反河朔盡陷獨平原城守具備與其從兄常山太守杲卿首倡大順河北諸郡倚之以爲金城可謂能捍大患矣其後爲姦臣所擠臨大節挺然不屈竟殞賊手可謂以死勤事矣今廟宇不能庇風雨願聞諸

朝少加崇葺俾有司得歲時奉祠知軍州事安定梁侯彥深下車未久起廢更弊州旣以治睹是舉也而樂之卽具以聞太常議典禮以上春官民曰宜如請公之遠祖青徐二州刺史盛始自魯居於琅邪之臨沂孝悌里故今子孫之在琅邪者衆其十一世孫安上者言縣謂廟地僻左荒棘跨嶺谷絕河澗者六七而後至所自出緡錢買地祓河之東以徙置之庶幾子子孫孫與其邦人奔走承祀弗懈是年十二月二十四日廟成楊君以書抵京師曰史氏稱顏公英烈言言如嚴霜烈日可畏而仰其

卷十七

信然今廟碑將立無文以刻之懼不足以表忠義勸來世夫子其毋辭焉余考顏氏蓋出於邾武公之後武公字顏其子友別封邾爲小邾子遂以顏爲氏孔子之門人達者七十有二而顏氏有其八回以殆庶幾得復之初九不遠復無祗悔之義以爲門人之冠其後衣冠不絕間出閭人然則公之知義明信道篤其淵源有自來矣夫人之於死生之變亦大矣而君子處之裕然得其所者蓋有以權其義之輕重而已若夫義有重於生則不必幸其生有重於義則不必致其死故曰非死之難處死之難若魯公者學行內外充衍宏肆以發見於事業非獨一時奮不顧死以取名故前抗祿山之師後拒希烈之命不惑於死生之際而以明君臣之大義可謂真知輕重大丈夫者哉百世之下聞其風者雖亂臣逆夫將消縮摧沮不復牙孽於其心矣

楊君欲發明公之義烈以詔後世不諉於文學之士而猥以見屬豈以余爲知言哉乃爲志其事而系之以銘銘曰

屹屹魯公 剛實積中 學與問博 涵演擴充 孝友施家 發爲公忠 直道以行 孰顧我躬 讓口貳瑜 往齒其

鋒 祿山一呼 逆焰熾天 炎于崑岡 沸于百川 柘水輿薪 勢且莫抗 屹屹魯公 忠誠是仗 大義凜然 奮

裾首倡 一清土門 數斬僞將 十有七州 同風順嚮 力窮功廢 英聲獨暢 屹屹魯公 不戒于剛 婉孌媚嫉

假手虎狼 公在艱晚 得用之義 有嚴分守 卒遂吾志 屹屹魯公 風于百世 太山之祚 魯廟翼翼 孰作

新之 守令其職 歷祀茲芳 子孫是食 惟廟暨孫 有圯有息 屹屹魯公 與山無極 九世孫溫

右通直郎知沂州費縣事楊 元永立石

右承議郎通判沂州軍州兼管內勸農事雲騎尉賜緋魚袋常 士溫

右朝散郎知沂州軍州兼管內勸農事上輕車都尉賜緋魚袋 借紫梁 彥深

元祐七年四月二十七日建

碑陰

魯公爲盧杞所忌李希烈反杞首議遣公諫者甚衆德宗問杞對曰眞卿朝廷重臣忠義聞天下誰不憎服臣常父事之今遣使不爲賊憚則辱國紛紛之言豈足聽陛下當日斷之無惑衆意德宗不能奪遂遣之人知公不還矣親族餞於長樂坡公旣飲乃躍上梁跳躑謂僚者曰吾昔江南遇道士陶八八得刀圭

碧霞餌之自此不衰嘗云七十後有大厄當會我于羅浮山此行幾是歟次汜水悅遇陶笑謂曰吉吉指嵩少而去後公死于賊賊平家人啟瘞狀有金色爪髮皆長如生人歸葬僱師北山先塋後有賈人至羅浮山遇二道士奕即而觀之問曰子何所來賈人曰洛陽其一笑謂曰幸託書達吾家許諾即札書付之其題曰至洛都僱師縣北小顏家及往訪之則塋也守塚蒼頭識公書大驚問狀皆公也因與至其家白之家人大哭卜日開塋發棺已空矣嗚呼杞欲害公之人而不能害公之仙也希烈祀等賊耳賊之殺人有常刑公死且不朽又況仙耶元祐三年九月余遊吳興適觀郡人新公之祠因得謁拜公像其英氣仙骨凜然如在嘗閱洛中紀異載公前事考史所載祀拜公于中書與對德宗之言姦人表裏無迂則公之仙復何疑焉公之大節紀載甚多而論次于林公之文爲備固已激忠義之頹風沮陰邪之羞魄至仙真事吾又以刻于碑陰以貽續仙傳者襄陽漫仕米獻記

右碑文凡三十行字徑八分撰文者爲曹輔案輔字子方華州人登嘉祐八年乙科歷官至朝奉郎守司勳郎中常與蘇黃遊號靜常先生見屬樊榭宋史紀事書碑者爲秦觀史稱其始登第調定海主簿蔡州教授元祐初除太學博士校正祕書省書籍此碑系銜不列蔡州教授太學博士畧之也淮海書世所罕見今玩其筆意瘦勁深得二王遺法碑陰刻米襄陽記文十八行字徑一寸三分姜三校洪山頂題字

元祐七年七月立正書在嘉祥縣洪山頂石坡上

右題姜三校書記元祐七年七月廿四日夜半鹿山龍闕下大雨一二丈衝淪十八村凡二行字體大小不一朱剛齋親至洪山絕頂拓得之

蔡安持靈岩詩刻

元祐七年十月刻行書石高三尺五寸廣二尺五分在長清縣靈岩寺

四絕之中劇最先山閣宮殿鎖雲烟當年鶴馭歸何處世上猶傳錫杖泉

元祐壬申十月中海睢陽蔡安持資中題

右詩并年月姓名凡六行字徑三寸年月上又有正書題北安劉德亨安禮攜家之泗水任飯僧於此正隆二年三月十有七日書凡四行字徑五分

重修臧大夫廟殿記

元祐八年立正書額八分背碑高七尺三寸廣三尺二寸在壽光縣城西三十里臧臺

右碑額題重修臧大夫廟殿之記三行字徑二寸五分文二十三行字徑一寸碑爲寺僧海宴撰文并書紀年上不曰大宋而曰巨宋亦作者好異使然也

廣福寺經幢殘刻

元祐八年六月立正書石高一尺八寸凡八面圓三尺二寸在益都縣廣福寺
右殘幢八面內題記三面凡十行字徑寸許書者爲僧守慶

仰天山羅漢洞題字二種

紹聖元年四月刻正書在臨胸縣仰天山羅漢洞

一題碑國程口河間劉世口紹聖元年四月二十四日同

遊洞下凡六行左讀字徑一寸六分其旁又有政和癸巳

初二日行書二行左讀字徑二寸又有豐溪老人題七言

絕句詩云過盡千岩與萬岩亂山深處得精藍我來非止

窮幽勝更向禪宗欲細參草書五行左讀字徑二寸皆無

姓氏

一題縣令陳子口祈雨拜洞下盧無悔偕行甲戌孟夏初

八日題凡四行字徑二寸

泰山振衣岡題名三種

年月詳後俱正書在泰安縣泰山振衣岡

一題京兆上官均以使事抵奉高同靖恭楊昇遊嶽頂觀

日出攬歷代遺跡紹聖二年十月七日凡五行字徑二寸

五分案宋史上官均傳元祐末提點河北東路刑獄紹聖

初召拜左正言以忤章惇怒遷工部員外郎尋提點京東

淮東刑獄此碑以紹聖二年使事抵奉高遂遊岱頂當是

提點京東刑獄之時惟史稱均為邵武人此云京兆應以

碑為正也

一題開封趙令緋紹聖改元濟南從事罷官敬謁帝祠時

窮冬不能遊岱宗快恨而去明年為東魯別駕口得以職

事思造祠下遂登絕頂東望日出徧觀古跡巡山張必邑

尉劉述同行紹聖三年四月朔凡十一行字徑二寸

一題開封張秘宛陵梅昌符同登太平頂介下虞老侍丙

子四月十七日凡五行左讀字徑二寸五分丙子是紹聖

三年張必時方巡山故四月朔日與趙令緋司遊至十七
日復來也

梁子諒等仰天山題名

紹聖四年二月刻正書崖高九寸廣一尺五寸在臨胸縣

仰天山石壁

右題汶陽梁子諒叔忱并子貢孫靈運率莆田黃顯景儒

萊蕪于天隱仲符紹聖丁丑二月二十七日同遊凡八行

左讀字徑一寸旁有董政刊三小字

廬山紀異詩碑

紹聖五年正月刻行書額八分書碑高四尺四寸廣三尺

六寸五分在黃縣廬山延真宮

登州黃縣廬山延真觀紀異詩額十二字橫列陽文字徑二寸

登州黃縣廬山延真觀紀異詩

東牟郡屬縣曰黃黃之西南廿里山間有觀名延真隋冲禧廬

真君煮藥登仙之地也觀有池直聖母殿鄉間歲時祈禱嘉應

非一紹聖四年十二月初七日夜大寒池冰凝合遽旦視之冰

中有色點點如貫珠玉皆成物形細鎖不可殫數其間層級隱

映為佛塔為香鑪者狀殊明察雖神理眇眇不可詰然奇祥美

瑞渠無自而至明日蓋興龍節也以人占天其端可見先

是眞君座側生異草細莖柔蔓紫紆詰曲覆被神像上引系棟

旁綠壁諸葱蒨鬱歷歲始枯去今且三十載矣當時莫紀其

事因兼述焉告諸未聞縣人徐三畏

芝陰舊是神仙宅駕鶴冷風著前籍青真倒影不可尋間有遺

靈表奇跡往時瑞草出西楹蟠莖引蔓緣屋壁蒼鬱青葱淨點

塵覆被仙客周幄帝通人備考神農經無說無名終不識傳之

于今三十年月晴耳聆猶歷歷邇來復見古砌下冰結池面堅

鐵石中有鎖細百千狀貫玉聯珠相倚植鑄形塔影最明察儼

如天匠窮彫刻堵觀魄動駭且疑試爲求端一推覈有道致祥

聞自古諒由叶氣潛蒸炙川玆嶽貢惟恐後器車丹甌何由惜

舜廊淵默正垂衣鴻塞清夷方偃伯宜哉殊像發重口口

應 興龍摩差忒 至聖謙冲美不居瑞合圖書禁牋

冊少茅齋躍賦巴口竊與 堯民喧壤擊

正月五日從德儉大夫遊廬山聖境坐中作以紀一時異事錫

山野逸子守億

明庭事業青雲上蹇屈鳴絃非所望聞有靈蹤在境中何從揮

鞭時一訪石路盤紆入道家老松偃蹇枝槎牙昔年煮藥盧童

子嘗聞白日乘雲霞紅塵不到神仙窟殿宇荒涼古突兀海近

幽深春未來寒風吹池水生骨厚冰無文印沈冥一泓斜臥雲

母屏屏底有物色如玉隱隱結就浮圖形澄澄照眼琉璃瑩還

同倒影落明鏡始非人巧出天工龔俗安知凡與聖 吾

皇德澤被四夷產此正是 興龍時畫圖難展丹青手聊作

升平瑞應詩

廬山事跡甚著始予欲爲之記會同遊二子遺詩所以敘致畧

盡因不復作姑爲手寫刻之置觀壁中歲月則既見右方矣汶

水任廣題 東武劉琦隸濟南陳炳萊陽張右德立

右詩并前後記跋凡二十五行字徑一寸二分案宋史祖

志哲宗以十二月八日爲興龍節哲宗本七日生以避僞

祖忌故後一日此碑所紀時日正與史合

李施遊靈岩詩刻

紹聖五年三月刻正書石高一尺九寸廣三尺七寸在長

清縣靈岩寺

大丞相文定公遊靈巖詩

靈品山勢異金地景難窮塔影遮層漢鍾聲落半空千峰羅雉

堞山如城萬仞聳嶺飛鶴來清竇鶴泉刻魚挂古桐名曾參

四絕封合亞三公在泰勢微河壩遠形差嶽鎮雄仙閣隣峻極

日觀伴穹崇遠洞連蓬島重巒盤梵宮山前功德望應銷俗慮

登喜出塵籠獻 壽嵩衡竝分茅海岱同良方標出震午位

對升中嵐滴晴烟碧屋鋪夕照紅魏峨齊太華奇勝敵崑崙鍊

句供詩客摸眞怯畫工天孫分怪狀神化結全功吟賞憐迴首

雲泉興愈隆

先丞相天聖間嘗雷詩寺壁後主僧刻石逮今歲久字盡剝缺

因命工再刊於石紹聖五年三月中泝日姪曾孫新滑州白馬

縣主簿李侃敬書正監寺講經論沙門口口口

右詩十七行字徑二寸後有李侃行書跋四行字徑八分

案宋史列傳李迪字復古卒諡文定天聖初出知兗州青

州此詩始作於是時也

回回翁會眞宮詩刻

紹聖五年三月刻字體詳後石高二尺七寸廣一尺七寸

八分在泰安縣會眞宮故址關帝廟西壁

右詩二首分上下二段一題昔日曾遊此如今九十春紅

塵多少客誰是識予人回回翁題正書五行字徑二寸五

分末有紹聖戊寅三月二十一日留題口口口口上正書一

行字徑五分一題昔年雷字識會來事滿華聲徧九垓無
賴蛟虬知我字口雷蹤跡不沉埋回公口口行書五行字
體大小不等回公下二字不可識末有政和丙申六月十
八日題口王母池北正書一行字徑七分此行之右又有
大定二十一年六小字乃後人續刻縣志稱王母池上有
洞相傳純陽子鍊丹於此額曰呂公洞頗疑此碑必是當
時道俗託爲仙跡以炫人者

元 又見長清縣新莊有仙跡碑凡十字相傳爲純陽子所
書案其字體全似符籙此亦是道流僞作也附記於此

小蓬萊題名二種

年月詳後俱正書在泰安縣泰山小蓬萊王母池北

右刻一題口口劉晦叔姑蘇陳子安都下向致恭同遊元

山左金石志卷十七

七

符三年正月初四日凡五行後有景復季和甄師德政和

改元三日同遊凡三行皆左讀字體大小不一題口口

口口口洛字邑人王履道平原鄭紹先濟南張韋庭口

楊存三來遊暮而歸小雨口口客行大觀下游凡六行左

讀字體大小不等文皆漫滅末行存大觀二字當是紀年

也

元豐勅封順應侯牒碑

元符三年六月立正書篆額碑陰及額俱正書石高九尺

六寸廣三尺七寸在歷城縣龍洞壽聖院

右碑額題勅封順應侯碑二行字徑五寸碑文前列太常

禮院奏狀十一行字徑一寸後列勅文五行字徑二寸五

分惟首行中書門下牒五字牒文內兩勅字皆作大行書

字徑四寸勅文後列銜三行曰右諫議大夫叅知政事蔡
者蔡確也曰禮部侍郎平章事王者王珪也曰工部侍郎
平章事吳者吳充也勅下於元豐二年七月至元符三年
六月始爲立石碑陰額題順應侯碑陰記二行字徑四寸
二分文二十行字徑一寸五分記爲決曹掾李元膺所撰
中敘立碑事甚詳云歷城令歐陽大春夢旌旗戈甲興衛
甚威言是順應侯見大春正色曰吾受天子封爵而制書
吾不得見何也大春深駭之不能對覺而語其夢同僚莫
有知者久之得於州軍資庫中塵埃弊壞乃元豐間守臣
韓鐸以侯之事請於神皇帝而賜者蓋於今二十年矣卽
歸制書於廟且購大石刻之云云又有元入張泰亨重摹
本亦在院中

山左金石志卷十七

七

岱頂題名十一種

俱正書年月詳後在泰安縣泰山頂開元摩崖之東

一題元符三年九月二十三日孫憐楊景李堯臣李敏能

同登泰山三頂觀歷代遺跡凡四行左讀字徑三寸在紀

泰山頂東側

一題建中靖國元年三月二十四日楊舜賓李子儀趙公

立呂君禮同遊凡四行字徑一寸在孫櫛題名之右其旁

有陳臺人韓真題名不記時代

一題郝樛年田國材許遜程康崇寧初元季春念六日同

登岱三峯凡四行左讀字徑一寸三分在孫櫛題名之下

一題王宜崇寧元年凡二行字徑一寸在郝樛年題名之

右字爲明刻所掩茲就隙處諦視露此六字餘不能辨

一題趙子和趙君安口日源崇寧四年乙酉季秋同登泰山三峯刻石磨崖側凡四行字徑一寸五分在楊舞賓題名之右

一題行宮至十月宣令權且停罷宜到岳蘇高昆監修東岳缺興國七年缺字徑七分俱爲明刻所掩僅辨此二十餘字

一題太原王貽公口與天水趙明誠德父致和三年閏正月八日同登凡三行字徑一寸在興國七年題名之右

一題清和張大受河南精究善昌黎韓通更政和五年九月六日同登凡五行字徑一寸在興國七年題名之下

一題廣川董義問缺舉秀缺應恐黃蓋不成字徑二寸亦爲明刻所掩題無年月似亦宋刻增錄於後

《山金志卷十七

寺

一題皇姑溪國大長公主奉命同駙馬濬州防禦蒲察敏詣岱嶽焚香致禮畢明日遂登絕頂拜于玉仙祠下時明昌元年三月十二日凡五行字徑一寸在郝椿年題名之右此與後一種皆全人所題因不便別出并增錄之

一題石城徐鐸被符度修諸祠工費因登絕頂周覽而還大定丙午三月十七日全遊蒲陰趙七斤男鄭和尚侍凡五行字徑一寸在郝椿年題名之下

蔡下書經偈石刻

崇寧元年十一月刻行書凡四石各高一尺二寸五分廣五尺在長清縣靈巖寺

右偈前段書於元符二年十二月後段續書於建中靖國元年十一月至崇寧元年十一月都陽齊迅施刻於靈巖

寺寺僧仁欽立石空處有明人方篆題字及觀者張振采胡續宗高奎石九奏邱坦諸人名案宋史蘇京傳弟下字

元度與京同登熙寧三年進士哲宗朝官至尚書左丞專托紹述之說中傷善類徽宗即位諫官陳瓘等陳其大罪

有六以資政殿學士知江寧府連貶少府少監分司池州續通歲起知大名府徙揚州召爲中太乙宮使權知樞密

院此碑前段所書正官尚書左丞中傷善類之時後段續書已貶少府少監分司池州與款題池陽慧陽院合邇年

改元崇寧至十一月靈岩刻石下已知樞密院矣

郭異觀海詩刻
崇寧元年十二月刻行書石高二尺廣二尺六寸在掖縣海神廟

《山金志卷十七

宋

洶洶瀾無際滔滔勢欲東百川容莫量三島杳難窮天淡祠堂古雲低客路通暫來回首懶歸轡逐西風 余奉使本路因

謁 海神幸得一觀時崇寧壬午十二月十四日郭異世英記外甥婿掖縣尉鄭世昌同來男左侍行

崇寧元年十二月二十日萊州掖縣尉鄭世昌立石 劉玉模刻

右詩刻并記凡九行字徑二寸後有縣尉鄭世昌立石及刻者姓氏二行正書字徑五分

天齋廟碑
崇寧二年正月立正書碑高五尺廣二尺在濰縣和傳村

右碑文十六行字徑七分
張頤等龍洞題名

崇寧二年六月刻正書屋高二尺四寸廣一尺六寸在歷城縣龍洞

右題月晦日張韻子與李倚長輔范庭堅悅道劉琮元方李佳美仲聯轡來游大宗崇寧二年六月凡五行左讀字徑三寸

普照寺石柱題字

崇寧二年十月刻正書在濟寧州普照寺

右石柱上刻佛象下題字三行柱爲道泰坊彭氏與女婿黃評捨財建立以祈福佑者朱朗齋自他處借錄未見拓本

徽宗賜辟廱詔書碑

無年月并額俱正書碑高一丈廣三尺六寸在陵縣學

皇帝賜辟廱詔額二行字徑五寸

朕嘉在昔善天下之俗勸功樂事尊君親上莫不受成於學命鄉論秀比其德行而興其賢能崇德黜惡人有成材達至後世士失所養家殊俗異未之有革惟我

神考若稽先王建置校學罷黜詩賦訓釋六藝首善於京師矣朕追述

先志夙興夜寐罔敢墜失思與有德有造之士其承之遂詔所司推原

熙豐三舍之令播告之修誕彌率土卽國之郊作辟廱廢科舉以復里選之制非聖賢之書與元祐術學悉禁毋習乃涓日之良臨廡視學延見多士縻以好爵朕心庶幾焉傳不云乎以善養人者服天下朕之廋士至矣其丕應後志以從上之欲則將

一道德同風俗追成周之隆以駿惠我神考豈不建歟付辟廱

四日

皇帝賜辟廱詔後序 承議郎試大司成兼 侍講武騎尉保寧縣開國男食邑三百戶賜紫金魚袋 臣薛昂奉

聖旨撰并書

崇寧元年

上總覽庶政慨然欲大有爲將躋斯民咸庥于道題下 詔

曰學校崇則德義著惠義著則風俗醇其大興養舍于天下又

詔卽國近郊建置辟廱匠臣抗圖

上曰古者學必祭先師茲聚四方士多且數千宜增殿像于前

徙經閣于後布講席于四隅餘若爾規厥既得字 旨則經營

越三年廡告成

車駕幸焉祇見 夫子于大成又 詔園子司業臣綱臣

靜曰朕撫至懷親著翰墨賜之璧水申勸無窮小大之臣下逮韋布鼓舞頌咏咸以親所未嘗爲幸藏之層構勒之翠炎明年臣靜又請序其後

上命臣昂曰汝其爲之臣不獲辭乃拜手稽首言曰唐虞三代尚矣歷世既遠教法不存然上下之序東西之序左右之序與

夫東膠虞庠或在國或在郊又曰成均曰米廩曰辟廱曰辟廱蓋皆設於王都者如此至於鄉遂則又各爲庠序學校嗚呼何其詳且至也秦漢而降治失本原禮樂化微師友道喪人才卑陋有媿成周蓋無足怪

於皇神考稽古御時闢太學建三舍論選有法士變循學而新